

未411

3

白喉吹藥方

附敷藥方

殷如璋題籤

白喉吹藥方



序

白喉一症卽瘟症之一然尋常時瘟無之其病情一切具詳白喉忌表一書可以不贅是方本
天醫秘府禁方雖有流傳其傳蓋鮮故一技之士以此居奇前者桐鄉馮氏子名珙者患此經
人治愈索方不得珙推已飢已溺之心欲使患者弗患稟諸父兄以箕代叩時 楊柳卿飛鸞
施濟正在其家先示藥味次代邀鵲爲定分量是方雖在禁例因珙與兄璋並結仙緣情殷樂
善爰居主者廣施濟之懷爲之宣示仰蒙允諾故將製法藥味分量配合詳說縷陳凡閱歲餘
始克成書命名白喉吹藥方將付手民珙以書呈念無片言傳之世必有疑二人僞造者故述
求方示方之略以冠諸首使知藥出仙定方自仙傳或不至四海蒼黎誤於庸醫之手而惑於
俗子之口豈不大善凡患此者其源皆起於厚味然後由胃而肺乃成是症洞仙之說尙祇論
已成也是爲序齊扁鵲書



喉科之治向無善本仲景之甘桔湯乃治少陰咽痛與溫病之喉痛迴殊蓋溫病之喉痛專屬肺經肺位最高感觸時行之雜氣從口鼻而入故先受之與內蘊之熱停蓄之痰勾結爲患遂升發於喉如毒霧煙瘴閉塞太空僅以甘草緩其熱桔梗提其氣不中與也初起病輕若用辛涼之藥開結去痰可以立愈病之重者非吐不可蓋湯藥順流而下已過病所不如吹藥迅掃巢穴湧吐頑痰其效較速重於白喉乃肺金之本色金受火刑逼其本色發見於喉先從關內形如豆大漸漫舌尖皆如白粉治不得法不數日痰涎閉塞肺竅而死都門近來多有此證夭亡甚衆吾友 心蘭同年仁慈爲念亟思拯救誠心齋戒禱請乩仙蒙仙人示以良方藥味製法一一詳明遵法配合施無不應效活無算緣付梓以公諸世俾斯民咸登壽域以廣仙慈國霖愚魯醫學淺疏豈足闡仙方之妙諦捧讀之下覺與內經高者越之之義隱相符合緣序數言以誌欽服云

春江崔國霖謹識

序

甲戌年夏初余患喉症日劇一夜昏睡間夢人以大筐盛之昇至一處委之而去開目審視則見天色黯淡如薄暮時所至乃一官廨其中公堂兩廡均極壯麗而不見一人所臥之地乃甬道旁也余時困憊仍閉目臥忽聞履聲橐橐自外來約七八人從身旁經過詫曰此非殷某耶何以至此須爲一查旋聞人言並不因事此人有用可急救之云云移時有人來簡以手啟余齒探入口中其冷如冰將咽喉摘去以一小者易之搖搖欲墮奇癢不可言狀因之驚醒則身仍在臥榻中喉間痛楚如故次日延龐醫吹藥腫處即時潰破吐膿血滿地腫消咽喉縮小其癢異常歷歷皆如夢中病亦尋愈因思龐醫用藥時冥冥之中具有鬼神假手其事大奇欲求其方普救世人迄未如願嗣遇青縣遲叟傳以吹喉方並製西瓜霜法余以遲叟與龐同籍其藥以西瓜霜爲君意是一方圓配合施散歷十餘年心蘭侍御以方質之龐醫據云原方藥十二味今祇五味其方不全復請乩仙決之亦云係十二味乃知遲叟有所不盡傳也夫半方



尚能治病若用全方必更神效 侍御於是虔禱乩仙降壇判示遂得全方此方人或不傳或傳之而不盡傳一旦乩乩仙傳之豈仙人固無所秘惜乎良由 侍御救世普心上達於虛之表面有感斯通也今將此方梓行傳世世有被此病者按方吹藥自當應手奏效其活人不知凡幾 侍御此舉濟天之災拯人之急而余區區之誓願亦待以成焉其福德可勝言哉時 君將赴廣西學使任頗行出此書索余弁言余不勝敬佩爰走筆樂而叙之至文以拙速見譏所不恤也

光緒二十年歲次甲午甘泉殷如璋謹序

人言甲午歲時之云云等語實人來前以平壤
光緒二十年歲次甲午甘泉殷如璋謹序



白喉吹藥方原序

古無白喉症亦無的對藥方近日耐修子所刻洞主仙師養陰清肺諸方服之無不神效惟喉中一見白點變症甚速湯方往往緩不濟急非吹藥不能速效而古書所載吹方並無專治白喉之方照配施治多不願手此症起於同治初年京師盛行傳染幾徧甚至舉家不救極爲危險時有滄州龐子家傳吹方專治白喉輕者一吹即愈重或三四次靈效無比無如醫祇一人每日所治不過數家有不知者有知而延請不到者因而耽誤亦復不少揚州殷秋樵通政時官比部素行樂善爰邀同志諸君子向龐子婉商以五百金售其方龐子不予後有青縣遲叟往來秋樵家自言善治喉其方得自滄州云云龐氏籍隸滄州秋樵憶遲叟所傳方當與龐氏同固求得之其方藥祇五味配合施送亦甚有效十數年來已不知救人凡幾矣癸巳三月大兒汝璣偶因時症漸患喉痛延崔春江同年醫治服藥數劑未愈喉中忽見白點取秋翁施藥吹之不見大效春江隨薦龐姓當爾吹治立時引出痰涎即覺輕鬆其藥色味與殷藥微



有不同因與談及原方來歷據稱原方乃祖傳鈔本不知見於何書已行數世早年在京行醫者卽其胞兄殷宅託人以五百金求其方事實有之因係家傳世業一經傳出生意必然減色非有重資不能另立產業向索千金未給是以中止殷宅所施藥方不知何處覓得其實藥有十二味製法亦各不同殷宅藥祇五味未得全方無怪其有效有无效也叩其藥味製法則堅不肯言因思湯方出自仙傳吹方既有鈔本仙無不知仍非求仙不可寓中向設 呂祖衆先醫鸞壇平日開病求方頗著靈效用特虔誠叩禱蒙監壇南宋御醫 楊真人指示龐方乃扁師所傳略知藥味分兩製法記憶不清仍候虔請 扁師到壇詳註先將藥味開出恰符十二味之數隨意自註分兩復請龐子以前方相質則云藥味已是既係仙示分兩何無區別製法不詳似未盡合迨請 扁師降壇將分兩製法一一詳註再與閱看則已俯首難辨第二製法繁難不及口授之妙察其辭色似乎底裏盡露但不肯直言絲毫不錯耳龍蒙 扁師另示數方以佐吹藥之不及爰請 春江並當世士大夫之知醫者詳加參訂照方配合施送每料

藥費不過十金而配合極難一家施送詎能徧及大千世界特將藥方刊刻並叙原委伏願
同志諸公或配藥施送或刊方傳布真可漸行推廣似於濟世活人之道不無裨益云爾
光緒二十年歲次甲午桐鄉馮金鑑謹序



白喉吹藥方

目錄

全方藥味附錄

配法

吹法

論初起

禁物

吹藥製法

吹藥藥性

總論

雜論

簡便吹方

急治法

敷藥方

敷藥製法

敷藥藥性

各藥真偽地道

收藥法

白濁丸散



白喉吹藥方

桐鄉馮金鑑勘定 汝霖分纂

全方藥味

西瓜霜 叁錢

月石 約在陸鐘個錢之間俟藥過後用

真珠 壹錢

法夏 肆錢

皂刺 肆錢

牙硝 陸錢

冰片 壹錢

雄精 叁錢

川連 伍錢

枳實 貳錢

生草 叁錢

白礬 叁錢

以上各藥製法詳後

此方為取吐治喉症見白無論初起及已滿皆可愈之

白喉吹藥方



配法

先提出瓜霜珠冰片礬以餘藥煎水用月石吃過牙硝入月石粉內同吃吃透後以煎過之藥研極細末飛過同吃過之月石及提出之瓜霜等藥配勻外加黃丹伍錢升過後入另研不爛升者不必兌如費事改硃砂貳錢另備西瓜霜加冰片少許吹時先用

吹法

先以西瓜霜加水片少許吹入喉中再吹前藥凡吹宜仰首略停吐有痰涎以淨爲止輕者日吹一次或二次重者一吹即須加多日三五次均吹患處吹法其器不同行道者可以鑷管尋常必不能備非用筆管即銅鼓之類其多少便有出入輕者吹約分許重者不過三分

論初起

喉內一見紅腫有核即須吹矣凡患此未有不咽痛者須有惡寒壯熱之病緊數洪大之肺脉咽痛口舌黏乾卽是其起不一有先見白者有一白即閉者有但紅腫即閉者有頃刻即滿者

不封喉者雖滿亦輕一見紅腫有核並不甚痛即不下飲食者雖不白亦重須酌量吹之
禁物

忌魚醋魚俟愈後即可不忌醋要忌一月爲醋入喉能令失音且酸斂恐餘火不淨也

吹藥製法

西瓜霜

每製用西瓜壹箇剝頂爲蓋稍去其瓢俾足容硝用皮硝六兩或半斤填入瓜內以瓜之大小爲差再將原蓋蓋好以篾絲編之收入瓦罐用皮紙將罐口封固擱在陰濕處俟霜透出罐外刮取入藥宜多配備用以另吹用甚多也再每罐只一整瓜出霜不多可以切碎填滿入硝每瓜一箇用硝若干瓜多則稍隨而加之拌勻則霜出既多且易便可多收他藥雖少有此亦可濟急西瓜宜生不宜熟蓋賣者非正熟已帶傷故賣買生者取其一醃不能即腐多經數日霜可多出

月石



研極細乎捻如無吃過藥水

隨即浸也不宜浸者浸係以水浸藥吃乃以藥吃水也

曬乾用

真珠

嵌豆腐內煮過腐熟取出搗碎研極細末不細傷人臟腑慎之

法夏

以薑汁略炒煎後陰乾再研以下應煎之藥同

皂刺

生用以酒略洗

牙硝

用藥肆真牙硝以水飛過用浮者要買硝自製如慮硝少難取則多傾水內攪之取其上半

水片

不必製取淨者用

雄精

煎後研極細用

川連

生用

枳實

生用

生草

生用

白礬

青魚膽汁拌用

青魚即海青魚

如青魚難覓用雄豬膽汁代不可多

黃丹

須自家升卽不能勿假手於藥肆有人能辦可以託之大約以細爲上升丹非可在人烟多處不如託安人也

吹藥藥性照本草綱目節錄數句以備查覽

西瓜霜

西瓜消煩止渴下氣寬中療喉痺但不能久存故取霜存用

月石


消痰治惡瘡喉痺

眞珠

墜痰

法夏

去痰消腫和胃下肺氣治咽痛喉腫



皂刺

治癰腫惡瘡

牙硝

除五臟積熱

冰片

散鬱火療喉痺

雄精

治惡瘡消涎積

川連

調胃治熱鬱在中潤心肺長肉

枳實



北京中醫藥大學圖書館版權所有

日天火藥方

宇林漢報館刊印